

孟子精蘊

四

1399
48

早稻田大學附屬
圖書館
第一寄
經書
第 98 號
第 3 卷
此書館不外許帶出

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

門仁
1899
34

孟子

子精蘊少於人美少愛者昔也乎人必自然天降



告子上

性猶杞桮

杞桮柔木也易為括捲告子此言似性善而非者其

極則同荀子性惡焉

猶白衣謂白歟云々

羽之白雪之白玉之白白之謂白則同而其名各異
犬之性人之性生之謂性則同而其性各異
犬性

雖吠盜而不能牛之載重牛性雖載重而不能人之
仁義人之性之善者唯人為然

仁內義外之章

王伯厚云董仲舒曰以仁治人以義治我劉原父曰
仁字從人義字從我豈造文之意邪愚謂告子仁內
義外之說孟子非之若以人我分仁義是仁外義內
其流為兼愛為我矣

說卦立人之道曰仁與義仁義與陰陽同何分內外
愛人仁也敬人義也愛敬皆出乎人心之自然所謂

性善也

焦氏經說仁愛也義利也愛利此也所愛愛利彼也
愛利不相為外內所愛利亦不相為外內其為仁內
也義外也彖所愛與所利也是狂彖也

耆矣亦有外與
有蓋在之誤次章飲食亦有外也可以相徵矣論語
莫不有文武之道此有亦在之誤
商頌殷武昔有成湯是亦昔在之誤

鄉人長於伯兄云々

中庸仁者人也親之為大義者且也尊賢為大

盡心親：仁也敬長義也

親愛仁也尊敬義也

求則得之舍則失之

盡心求則得之舍則失之是求有益於得也求在我者也

下章孔子曰操則存舍則亡惟心之謂與

皆言仁義礼智之心也

荀子臣道恭敬礼也調和樂也

曰存子人仁義也心曰操則存曰求其放心曰存其心皆言求而得之者也

子曰放其良心曰失其本心曰有梏亡之曰夜氣不足

以存曰舍則亡曰放其心而不知求曰有放心而不

知求皆言舍而失之者也

民之秉夷也故好是懿德

康誥天与吾民彝大氐乱 臯陶謨天叙有典

論語吾未見好德如好色者也

好德者在己好而行之在人好而与之

又云由知德者鮮矣

又云知之者不如好之者

物則

易

一

一

親思明

父子有親

聽思聰

君臣有義

坐如尸

夫婦有別

立如齊

長幼有叙

易牙之於味

荀子大畧天下之人唯各特意哉而有所共予也言

味者予易牙言音者予師曠言治者予三王

子都

鄭風不見子都乃見狂且毛萇云子都世之美服者

也

理義

礼器荀子忠信礼之本也義理礼之文也無本不立

無文不行

呂覽勸學此生於不知理義不知義理生於不學

同上理勝義立則位尊矣

同上誣徒邪辟之道塞矣理義之術勝矣

同上主者有嗜乎理義也凶者亦有嗜乎暴慢也

同上離俗理也者是非之宗也

韓非解老道者萬物之所然也(萬理之所然也)理者成物之文也(凡理者)方圓短長麤靡堅脆之分也故理定而後可得道短長大小方圓堅脆輕重白黑之謂理、定而物易割也

繫辭(天下之理) **繫記**(萬物之理)

韓非解老(天地之道)

同上義者君臣上下之事父子貴賤之差也知交明友之接也親疎內外之分也臣事君宜下懷上宜子事父宜賤敬貴宜知交朋友之相助也宜親者內而疎者外宜義謂其宜也宜而為之

生亦我所欲

昭二十五年左傳子大叔曰生好物也死惡物也好物樂也惡物哀也

一簞食云

檀弓齊大饑黔敖為食於路以待餓者而食之有餓者蒙袂輯屨貿然來黔敖左奉食右執飲曰嗟來食揚其目而視之曰予唯不食嗟來之食以至於斯也從而謝焉終不食而死曾子聞之曰微與其嗟也可公其謝也可食

嚙爾啾啐之貌嗟來之類

同上先王制礼(行道之人)皆弗忍也

求其放心

上文所謂其所以(放良心)者亦猶斧斤之於木也是也言放失仁義之良心也

牛山之章云雖存乎人者豈無(仁義之心)哉其所以(放其良心)者亦猶斧斤之於木也熊掌之章云雖此之謂(失其本心)所謂放心者放其良心也失其本心也

牛山之章又云操則存舍則亡所謂放心者捨亡之謂也

指不若人而人非此也

盡心(不耻)不若人何若人有(素而人)不致焉

拱把之桐梓

莊子人間生未有荆氏者宜揪拍桑其(拱把)以上者求狙猴之材者斬之

耳目之官云々

荀子耳目口鼻形能各有接而不相能也夫是之謂

天官天論

又云心居中以治五官夫是謂天君

官字以職司言

物交物樂訖夫物之感人無窮而人之好惡無節則

是物至而人化物也即此意

荀子解蔽心亦如是矣導之以理養之以清物莫之

傾則足以定是非決嫌疑矣小物引之則其正外易

其心內傾則不足以決塵理也

又哀公(從)(物)(如)(流)不知天歸五擊為正心從而壞如

此則可謂庸人矣揚注為外物所誘蕩而不返也

天爵人爵

荀子正論有(義)(采)者有(勢)(采)者志意脩德行厚知慮

明是采之由中出者也夫是之謂(義)(采)爵列尊貢祿

厚形勢勝上為天子諸侯下為卿相士大夫是采從

外至者也夫是之謂(勢)(采)

是孟子天爵人爵之說也荀卿之言多厚孟子不

特是也

欲貴者

孔子曰(富)与(貴)是(人)之(所)欲也

羿之教人射

盡心上大匠不為拙工改廢繩墨羿不為拙射變其

大穀率

与是相應

告子下

曹交

王伯厚曰曹交注謂曹君之弟按左傳哀公八年宋

滅曹至孟子時亡久矣曹交蓋以國為氏者

食粟而已

法言類：之黨甚於鴛斯(賊)夫(稻)而(已)矣

一匹雛

曲礼庶人之摯匹与鷓鴣同非夫王六畜言不兼也

徐行後長者

王制父之齒隨行兄之齒(雁)行

曲礼五年以長則肩隨之
服堯之服云々

孝經非先王之法服不敢服非先王之法言不敢道
非先王之德行不敢行

小雅彼都人士狐裘黃々 法服也

出言有章 法言也 行歸于同萬民所望 德行也

道若大路然

中庸道也者不可須臾離也可離非道也又云君子之道費而隱夫婦之愚可以與知焉夫婦之不肖可

以能行焉君子之道造端乎夫婦
是皆若大路之證也

屋廬子悅喜曰連得間

間間暇也大戴禮曾子曰侍夫子之間難矣故屋廬子得侍孟子間暇之時以為喜也或以間為間然之時門人得師之非門而喜之何等情義可笑

五就湯五就桀者伊尹也

七修類藁孟子曰五就湯五就桀者伊尹也五就之

事固不可考苟以軻書為實錄則於湯不止五就其實六也蓋伊尹之就桀者湯進之也則是先就湯後就桀反復者五然後相湯而伐之此則其六就也若言五就湯則四就桀矣孟子皆云五者蓋不言其終竟伐桀之一就耳柝子厚伊尹五就桀贊細見之亦自可恐未能盡復圖于左此蓋伊尹出處之大節不可苟也

鬼谷子 合篇伊尹五就湯然後合於湯呂尚三入

殷朝三就文王然後合於文王

王伯厚云伊呂聖人之耦豈詭遇求獲者此戰國辨

士之誣聖賢也伊尹三聘而起大公辟紂海濱當取

信孟子

賢者之無益於國

荀子儒效秦昭公問孫卿曰(儒無益於人之國)

五霸三王之罪人也

荀子王霸雖在僻陋之國威動天下(伯是也)故齊

桓晉文楚莊吳闔閭越勾踐是皆僻陋之國也威動

天下強殆中國無他故焉略信也是所謂信立而霸

也

培克在位

天雅蕩曾是培(克)曾是在位毛萇云培克自伐而好勝人也

孔穎達云定本培作倍倍者不自量度謂己兼倍於人而自矜伐

是以培為矜伐以克為忌克之是一說而已

周易大象衷多益寡 **釋詁**衷聚也 **虞本**作捋

捋取也又与培通故**宋祈新唐書**以聚斂為培斂克剋責也培克者聚斂克責之吏也

桓公為盛

荀子仲尼(齊桓)(五伯)之盛者也

無過糴

公羊曰無障谷無貯粟

穀梁曰無雍泉無訖糴 左傳過糴作蘊年

無曲防

管子諸侯毋專殺大 毋曲隄毋貯粟毋擅廢嫡子 毋置妾以為妻

公羊傳僖三年陽穀會桓公曰無障谷無貯粟無易樹子無以妾為妻

穀梁傳僖九年葵丘之盟陳牲而不殺讀書加于牲

上壹明天子之禁曰毋雍泉無訖糶毋易樹子毋以
妾為妻無使婦人与國事

今之大人今之諸侯之罪人也

監鐵論引孟子曰居今之朝不易其俗而成千乘之
勢不能一朝居又曰今之士今之大夫皆罪人也

不教民而用之

論語子路子曰(以不教民戰是謂棄之)

穀梁僖二十三年(以其不教民戰則是棄其師也)

孟子云壯者以暇日脩其孝弟忠信入以事父兄

出以事長上可制從以捷秦楚之堅甲利兵

左傳莊二十七年夫礼樂慈愛戰所畜也夫民讓

事樂和愛親哀喪而後(可用也)

同僖二十七年晉侯始入而教其民二年欲用之

子犯曰民未知義民未知信民未知礼以示之義
以示之信以示之礼一戰而霸文之教也

周官大司馬中春教振旅中夏教蒐舍中秋教治

兵中冬教大閱以教坐作進退疾徐疏教之節

左傳隱五年春蒐夏苗秋獮冬狩皆於農隙以講

事也 是講武教戰也 兼教文武

天子之地方千里云

明堂位成王以周公為有勲勞於天下是以封周公

於曲阜地方(方七百里)革車千乘

魯頌乃命魯公俾侯于東錫之山川土田(附庸)

論語顓臾在邦域之中是社稷之臣也

左傳僖二十一年任宿須句顓臾風姓也實司大

皞與有濟之祀以服事諸夏

僖四年左傳管仲曰賜我先君履東至于海西至于

河南至于穆陵北至于無棣

是齊魯之封似非百里然其廣大者並附庸而教

之也其實皆百里也

左傳襄二十五年子產曰昔天子之地一圻方千里

列國一同方百里自是以衰今大國多殺圻矣若無

侵小何以至焉

地儉於百里 **趙世家**齊之北地(儉)三百里

約與國戰必克

盡心有人曰我善為陳我善為戰大罪也

况無君子乎

左傳(無)(君)(子)(其)(能)(國)(乎)國無陋矣不有文十二年
襄仲稱秦西乞術

左氏所謂指大賢君子也

孟子所謂指士君子在上之人也

大貉小貉大桀小桀

公羊傳宣十五年多於什一大桀小桀少於什一大
貉小貉什一者天下之中正也什一而頌聲作矣

君子不亮惡乎執

或曰亮與諒同書亮陰礼作諒闕論語君子貞而不

諒孟子又云所惡執一為其賊道也大人言不必信

唯義所在蓋惡固執守信者也

何異孫十一經問對君子不亮惡乎執集注因趙氏

注曰亮信也君子之道舍信將安執之按亮與諒同

孔子曰豈如匹夫匹婦之為諒也又曰君子貞而不

諒者信而不通之謂也孔子以言必信為小人孟

子以言不必信惟義所在為大人蓋亮之為信不奪

於權也君子所以不亮者非惡於信也惡於執也故

孟子又曰所惡執一者為其賊道也舉百也有子曰

信近於義言可復也陸氏翼孟說此一章有理

讒諂面諛

荀子脩身傷良曰讒害良曰賊以不善先人者謂之諛以不善和人者謂之諛

荀子漁父希意導言謂之諛以不擇是非而言謂之諛好言人之惡謂之讒折交離親謂之賊

所本三

日知錄免死而已矣亦不久而卒矣故曰所本三

傳說

卅鉛錄如尚書云說築傅巖之野築之為言

孫叔敖

左傳宣十一年為艾獵城所宣十三年為敖為宰

司馬為賈之子即孫叔敖也同上泌之戰令尹孫

叔敖弗欲戰同上佗參曰若事之捷孫叔為無謀

矣

襄十五午左傳正義世本為艾獵是孫叔敖之兄

子馮是艾獵之子

為賈

為艾獵——為子馮
為敖即孫叔敖

動心忍性

荀子儒效行(忍情性)然後能脩 忍性与此同

同上非十二子(縱情性)安忍雖(忍情性)綦谿利跖

皆忍情欲也

論語小(不忍)則亂大謀

周書必有(忍)其則有濟君陳

周書富辰曰昏有之曰必有(忍)也若能(有濟)也

法豕拂士敵國外患

荀子臣道功伐足以成國之大利謂之拂(注拂讀為

新

成十六年左傳晉范文子曰今三強服矣敵楚而已

唯聖人能(內)外(無患)自非聖人外寧必有(內憂)蓋釋

楚以為(外懼)乎

不屑之教誨

孔子於孺悲不屑之教誨也

孟子精蘊

加賀太田元貞公幹

盡心上

殀壽不貳云：立命

洪範五福壽為第一故以殀壽言其實則貧富貴賤

吉凶禍福殀壽二字兼之

中庸君子居(易)以(俟)命小人行險以(徼)幸

下篇君子行(以)恫(以)俟(命)而已矣

高宗彤日降羊有永有(非)天(民)中(絕)命

西伯戡黎非先王不相我後人惟王(淫)戲(用)自(絕)故

天棄我不有康食

得之有命

萬章弟子曰術卿可得也孔子曰有命得之不得曰有命

論語死生有命富貴在天互是此文也

反身而誠

中庸誠者物之終始不誠無物是以君子誠之為貴萬物者百行也

中庸反諸身不誠不順乎親矣

告子仁義禮智非由外鑠我也我固有之也萬物皆備於我之義也

強恕而行

論語仲弓問仁子曰己所不欲勿施於人是恕也

子貢問仁子曰能進取譬可謂仁之方也已是亦恕也

大戴衛將軍文子曰方長不折則恕也恕則仁也家語顏淵一言而有益於仁莫如恕

荀悅申鑒有一言而可常行者恕也(恕者仁之術也)

不得亟見之

告子下故將一有為之君必有所不召之臣欲有謀焉則就之

好遊乎

遊者優遊逍遙遊之遊

得志澤加於民云

荀子儒效通則一天下窮則獨立貴名天不能死地

不能埋桀跖之世不能汗非大儒莫之能立

驩虞如也皞如也

呂氏慎人許由(虞子穎陽注虞娛也) 与娛通

(虞仲) 吳仲詩不娛不敖漢書武帝紀引作不

虞荀子解蔽(羣) 廣孰知其德注羣讀為皞

皞廣大皞

太昊大皞少昊少皞

民可遷善

經解禮之教化也微其止邪也於未形使人日徙(徙善)

遠罪不自知也

所過者化云々

下篇大而化之之謂聖、而不可知之謂神
荀子議兵故仁人之兵(所存者神)、(所過者化)
揚倧曰(所存止之處畏之如神)、(所過往之國無不從)
化、又曰(所存者神)、(所為者化)、揚倧曰存至也言
所施為民皆從化之也

仁言仁声

仁声与離婁仁聞異

曰今有仁心仁聞而民不被其澤

善教之得民也

離婁(得其民)有道(得其心)斯得民矣

善政得民財

下篇無(政事)則財用不足

聞一善言云々

公孫丑大舜有大焉(善与人同)舍己從人樂取於
以為善

無為其所不為無欲其所不欲

下篇人皆有(所)不(為)達之於其所為義也

偽昏仲虺之誥以(礼)制(心)以(義)制(事)

樂記以道制欲 詩云(思)無(邪)無(邪)正也

大學云(心)正 無欲其所不欲心正也思無邪也

中天下而立

商頌商邑翼翼四方之極 即中也

召誥王未紹上帝自服于土中

又云迄祀于上下其自時中人

周本紀成王在豐使召公復營洛邑曰此(天)下(之)中

四方入貢道里均

周官大司徒以土圭之法測土深正日景以求(地)中

日至之景尺有五寸謂之地中天地之所合也四時

之所交也風雨之所會也陰陽之所和也然則百物

阜安乃建王國焉

荀子大略欲近四方莫如中央故王者必居天下之

中禮也

設都於天下之中是一義也

又孟子所謂中(道)而(立)也

中庸(中)立而不倚

洪範皇建(建)其有極極即中也

偽書仲虺之誥(建)中乎民

中庸舜用其中(於)於民 論孟堯舜禹湯執中

立天下之中正是亦一義也

其生色也睟然見於面云々

根於心心指四端之心四端之心仁義禮智之端本

也 生色睟然論語九思(色)思溫荀子哀公仁義

在身而色不伐曲禮君子戒慎不失色(於)人

此類是也

見於面論語(正)顏色而斯近信矣 抑詩(輯)柔(尔)顏

不遐有愆此類是也

益於背左傳昭七年宋正考父三命茲益恭一命而

僂再命而偃三命而俯循墻而走亦莫余敢侮其恭

也如是

是德之益於背者傲者必仰恭者必俯德之益於

背最覓確實

施於四体文言美在其中暢(於)四肢是也 王藻足

容重于容恭 曲禮正立拱手 又生如尸立如濟

凡坐跪拜揖之礼皆德之施於四体也

抑詩抑之威儀維德之隅德之誠形於外者皆如此也

盍歸乎來

莊子人間世 孔子謂顏淵曰嘗以語我來

又云其有以語我來注云來助語也

五母鷄二母彘

嚴安傳 遂見齊俗奢侈好末技不田作迺躬率以儉約勸民農桑令口種一樹榆百本籩五十本葱一畦韭家(二母) (五) (鷄)

不盈科不行

離婁原泉混一不舍晝夜盈科而進放四海

不成章不達

論語斐然(成) (章)

論語君子(上) (達) 下學而(上) (達) 之達

墨子兼愛

王伯厚云文選注引孟子曰墨子兼愛靡頂致於踵趙岐曰致至也今本作放踵注無致至也三字

飢者甘食云々

公孫丑飢者易為食渴者易為飲

飢渴害之云々

人不知道是其心飢於道而渴於道也是故間邪說橫議亦驟信之揚墨之行為此故也是乃飢者甘食渴者甘飲也人能無以口腹飢渴之害而為心害者觀於海者難為水遊聖人之門者難為言厭足至道者如此朱註不是

荀子臣道若食餒人揚倬注云使飢渴於至道餒人

之欲食是以飢渴屬至道与此章同

夫有所受之也

交際章殷受夏周受殷不辭也於今為烈

受字与此同

黃蘊生有此全章又後四小此云蓋以一夫之命為輕於天子父之命者此三代以下之論非所施於上古以父子之樂為不如如有天下之樂者此豪傑以下之情非所出於聖人恣申於宮禁則人不可妄殺而海內刑措矣親重於天下則力無所不竭而大孝錫

類矣從此看出以天下養養之至來尤稱真經術也
四書釋地

有私叔艾者

離婁予未得為孔子徒也予私淑諸人

大匠云

下篇梓匠輪輿能與人規矩不能使人巧

中道而立

論語顏淵曰如有所立卓尔雖欲從之末由也而

立字從字与此同

殉身 殉道

論語志士仁人(殺身成仁)

孟子(捨生取義) 是以身殉道也

挾貴而問

滕更如勝君之弟子其挾貴則可知也其一則不可
知也趙岐以臆斷之不可確信孟子与滕君故矣或
挾故乎

放飯流歡
曲禮少儀皆云毋放飯毋流歡
曲禮又云濡肉齒決乾肉不齒決

盡心下

春秋無義戰云

彼此二字有就春秋分彼此者又有以彼為春秋以此戰國者前說為是

不如無書

王元澤引古本孟子云盡信書不如無為書安可
無學者慎所取而已不知慎所取則不如勿學而已
矣

我善為陳云々

離婁善戰者服上刑

告子戰必克今之所謂良臣古之所謂民賊也

若崩厥角誓首

班固漢書論云漢諸侯王(厥)角(誓)首(應)邵云厥者顛

也角者額角也晉灼曰厥猶豎也叩頭則頭角整師

古曰應說是也陳虞寄與陳空應書侯瑱則(厥)角

(誓)顛委命闕庭胡三省注通鑑云此止言厥角誓顛

當顛蹶之蹶為義

按角者曰角月角之角言頭角額角也

苟非其人葷食豆羹云々

繫辭苟非其人道不虛行

不仁而得國云々

荀子正論故可以有奪人國不可有以奪人天下可

以有竊國不可有以竊天下也可以奪之者可以有

國而不可以有天下可以竊之者可以得國而不可

以得天下是何也曰國小具也可以小人有也可以

小道得也可以小刀持也天下者大具也不可以小

人有也不可以小道得也不可以小力持也國者小
人可以有之然而未必不亡也天下者至大也非聖
人莫之能有也

聞者莫不興起也

漢書王吉傳孟子云奮乎百世之上行乎百世之下
莫不興起

有行乎二字無聞者二字

仁者人也

脫義也者宜也一句朱註引外國本仁義禮智信五
常之性董仲舒始有此言而戰國之莊子並牟子者
殆不可信孟子引中庸全文如誠者天之道也之章
是亦引中庸仁者人也義者宜也偶誤脫一句耳合
而言之道也仁義合而為道說卦云立人之道曰仁
與義是其證也否則合仁與人極不平穩諸家之解
不免牽強也

無上下之交也

否彖云上下不交而天下弑邦也蓋天道否閉而夫

子亦否文言云天地閉而賢人隱夫子曾曰予所否
天厭之是也

憎茲多口

皇矣上帝眷之、憎其式廓憎与增同
公孫丑士則茲不悅茲与茲同

禹之聲云、追盞

宛李餘篇趙岐注禹之聲尚文王之聲以追盞絕追
紐也盞絕也趙希鵠并以為非曰追琢也詩曰追琢

其章今畫家滴粉令凸起猶謂之追粉盞剝蝕也今
人以器物用人而剝蝕曰盞追盞者禹之鐘款文追
起處剝食也此語大似有理

焦弱侯筆乘追字都回友音推追琢其章蓋取彫琢
之義而字書以為治玉也周禮有追師 衡筭皆

飾注追猶治也夏后氏之冠曰毋追音牟堆注追猶
堆也以其形言之又加手為推而追堆同義揚子所
謂提提仁義是也通觀字書並以追為鐘紐者豐氏
特據考工記有鐘懸謂之幹又因盞虫遂附會以為
鐘紐即周禮之施虫穿鑿甚矣細詳其義當為追擊

之追无疑。又按蠡有四義。良脂切音黎。郎瓢句。東方朔以蠡測海是也。一盧才切音螺。郎海中大螺。公輸般見蠡出泊。潛足畫之。其蠡終日閉戶不出。是也。一魯果切音裸。即痲瘋。左傳為其不疾。疾蠡是也。一盧啓切音札。說文出留水中是也。如此蠡字當從盧啓切。為是蓋高子以禹之樂用之者多。故凡搥擊之處。率皆推殘欲絕。有象蠡之形。蓋追者搥也。蠡者其形似也。

馮婦善搏虎

善搏虎。句。卒為善。句。士則之。句。野有象逐虎。句。此句。洽見于外菴外集。皆悅之。應於野有象。其為士者。笑之。應士則之。肖脩之。悅極是望。見馮婦趨而迎之。象見馮婦趨來。迎使搏虎也。唯勸王發業。是一大美事。孟子初此諸。馮婦搏虎何也。是蓋有故。齊宣貧欲好貨。其鄙嗇可知。孟子曾勸之發棠。時不得已而從之。今又強勸之。恐觸其怒。禍且不測。非明哲保身之道。故古尔以存宜。此負嵎之虎。韓非所謂逆鮮之說也。

仁之於父子也古

賈誼新書人有仁義禮智聖之行行和則樂與樂則
六此之謂六行六術

可欲之謂善古

善 可欲之謂善 中庸不明善

信 有諸已之謂信 中庸不成乎身

擇善而 又致曲 大學格物致知 止於至善

固執之者也 曲能有誠 誠意

又誠之者

美 充實之謂美

大 充實而有光輝之謂大

中庸形著明

大學明々德

堯典克明俊德

聖天而化之之謂聖

中庸動變化

大學新民

堯典黎民於變時雍

信字非忠信之信實也與誠相近

中庸誠 聖人也

又云唯天下至誠為能化

化者化人也朱子以為無迹似不知中庸者矣
繫辭神無方又云陰陽不測謂之神

造化神妙聖人神妙不可測知之義則同

聖者至誠之人也中庸誠則形之則著之則明明則動之則變之則化新氏唯天下至誠為能化

孟子離婁云至誠而不動者未之有也

莊子渙父不精不誠不能動人

荀子不苟天地為大矣不誠則不能化萬物聖人為
知矣不誠則不能化萬民

字記不足以動眾足以動眾未足化民

動者人之感動也 變者化之始小人革面之類

化者變之成民日遷善黎民於變時雍是也

誠之言變化言至誠之德使人感動而變化焉不

孝者化為孝不仁者化為仁是也其德之光輝發

越者也其德之感動變化者聖也

朱子以化為泯然無迹者非獨不知中庸也雖諸

經傳皆不知之也

神之神化無方化字屬諸己者有之言己德之變

化無方不可測知也荀子賦蠶屨化如神言己之

變化也 朱子蓋誤神之變化可笑之甚 言子天

盆成括仕於齊

孫爽曰盆成括嘗學于孟子 朱竹垞曰晏子春秋
景公宿于路寢之宮夜分聞西方有男子哭者公悲
之明日朝問于晏子晏子對曰西郭 居布衣之士
盆生造也父之孝子兄之順弟也又嘗為孔子門人
今其母不幸而死 拊柩未葬家貧身老子孺恐力不
能合柩是以悲也公曰子為寡弔之嬰往弔咎公不
辱臨公使男子祖免女子髮并開凶門而迎迨則迨

乃与景公同時不當与孟子弟子之列 采配祀孟子
追贈萊阳伯孫直公言括嘗欲學于孟子亦疑辭也

往者不追來者不拒

荀子子道南郭惠子問於子貢曰天子之問何其難
也子貢曰君子正身以候欲來者不拒欲去者不正
且夫良醫之門多病人 櫛枯之側多枉木是以難也

是以不言銘之也

姚寬西溪叢語趙岐注云未可与言而強与之言欲

以言取之也是失言也知墮人可與言反欲以不言
取之是失人也章指注云取人不失其職否孫奭音
義曰今按古本及諸書並無此餽字郭璞方言注云
音泰泰字謂挑取物也其字從金今其字從食與方言不
同蓋傳寫誤也本亦作餽音双兼反按玉篇食字部
有餽字注音達兼反古餽字然則字書非無此字第
於孟言餽之義不合耳今以孟子文考餽之義則趙
岐以餽訓取是也當如郭比方言其字從金為餽據
玉篇廣韻餽音他点反取也其義與孟子合廣韻上
声餽音泰泰字平声又有餽字音纖訓曰利也許比說文

以餽為屬乃音纖者其義與音泰者不同各從其
義也孫奭曰本亦作餽音奴兼反此別本孟子也古
之經書皆有別本其用字多異同廣韻又餽音黏食
麥粥也於孟子之文意不合蓋別本孟子誤偽尤甚
古本作銘郭璞方言注音泰謂挑取物也廣韻上声
銘音泰平声餽音纖利也說文以銘為申屬玉篇銘
音達兼反古餽字廣韻他點反取也又音黏食粥也
姚寬引孫奭音義詳辨此字

動容周旋中礼云々

中庸誠者不勉而中不思而得從容中道聖人也

言語必信云

論語(言)必(信)行必果(信)然小人哉

離婁大人者(言)不必(信)行不必果唯義所在

今以必信為美事不可以彼疑此

食前方丈云

晏子先君桓公善飲酒窮樂(食)味(方)丈

漢書嚴安傳雜五色使有文章重五味(方)丈(於)前以

觀欲天下

韓詩外傳今日相郎結駟列騎食(方)丈(於)前

又云結駟列騎所安不過容膝食方丈前所耳不過

一肉

五子之歌內為(色)荒外為(禽)荒(峻)字(彫)墻(前)酒(嗜)音

有一于此未或不亡

堂高數仞棟題數尺乃峻字彫墻也侍妾數百人乃

色荒也駟騁田獵乃禽荒也般樂飲酒乃耳酒嗜音

也皆凶國之事也

孟子又曰從(獸)無(厭)謂之荒(樂)酒(無)厭謂之亡

又云(般)樂忘教是自求禍也

老子云馳騁田獵令人心發狂
越語句踐曰出則禽荒入則酒荒

養心莫善於寡欲云

告子雖存乎人者豈無仁義之心哉其所以放其良心者亦猶斧斤之於木也

盡心存其心養其性所以事天也

曾皙嗜羊棗云

韓非文王嗜菖蒲俎賈誼新書武王嗜鮑魚楚語屈

到嗜芟孟子曾皙嗜羊棗古書言聖賢嗜好此類是也

琴張

王伯厚云琴張注謂子張善鼓琴蓋未知左傳有琴張

言不顧行不顧言

中庸言顧行不顧言是中行君子之爭狂者言不顧行不顧言所謂夷考其行而不掩焉者是也

踰之涼

詩云危涼金寒

左傳獨行踰

言左傳隳多涼德

闕然

大學小人間居為不善無所不至見君子而后厭然
揜其不善而著其善鄭玄讀厭為厭掩閉藏也

由堯舜至於

賈誼新書臣聞之自禹以下五百歲而湯起自湯已
下五百餘年而武王起故聖王之起大以五百為紀


自武王以下過五百歲聖王不起何

矣數寧

滕文公舜以下得禹(皋陶)為已憂

舜有臣五人天下治矣獨言禹皋陶者何乎

3 10 月



自左至右不與立百幾頭至不決隨大矣越書

吳縣言洪景同蓋河也

(皇)(朝)(改)(正)皇朝而湯廷芳

詩古也考全案
正傳教人天德



詞一

詩古也 卷合 卷 左傳 獨行 獨

左傳 賦 人 賦

網然

大字 小 心 胡 在 為 小 者 無 形 亦 在 於 心 而 已 然

於 其 不 善 而 善 者 亦 無 形 亦 在 於 心 而 已 然

而 後 有 言 其 人 天 下 亦 矣 隱 言 其 事 同 於 何 也

類 文 介 錄 卷 不 數 (德) (德) (德) 或 上 身 亦 然 而 為 也

自 在 吾 樂 不 與 此 百 幾 變 之 不 法 隨 大 矣 趣 也

